

留壩縣志

留壩廳志卷四

善化賀仲域美恒輯

土地志

設廳之年月已載諸紀事沿革表然不能詳也風俗雖無大殊而有自成其所習者物產雖無甚異而有尤宜其所種者學宮未建而書院不乏肄業之人戶口聿增而圖籍可稽滋生之數周官土訓民掌地圖以詔地事土地顧不重乎哉晉朱育撰會稽土地志唐以後不傳間見於文選注初學記所引者大概不外此數端故勦

其名而作土地志

釋名

留壩之名始見於明一統志未知何所釋名

本名劉壩不知何時易今名豈因留侯辟穀之紫柏山在

茲壩而名歟然不可考矣

府志

設官原始

留壩在明代僅設巡司而已我

朝乾隆十五年移漢中水利通判駐此無管轄也三十年分
鳳縣地為留壩廳職撫民三十九年改設總捕水利同知兼

理柴關鳳嶺驛務嘉慶十一年經畧德楞泰巡撫方維甸奏
籌善後事宜各條內稱漢中府屬之留壩廳界在山中又當
孔道必須明幹之員方能勝任該處山地瘠薄民俗刁悍若
不量加調劑誠恐積疲生懈可否改照邊俸之例

勅部核議倘有廢弛隨時嚴參如此明定章程庶該員益知
奮勉地方自有起色等語吏部覆查留壩廳地處深山民刁
俗悍現關係要應如該將軍等所請准為俸滿即陞之缺遇
有缺出於通省對品人員內揀選調補如果緝盜安民著有
成效俟五年期滿該督撫據實保題入於即陞班內照例陞

留壩志卷四
用等因具奏奉

旨允行

撥地原始

乾隆三十年正月鳳縣移稱所有撥歸憲臺管轄之留壩二十一村庄加林等里戶口錢糧常社倉糧以及松林驛夫馬鋪司並新募民壯禁卒什作斗級等項俱已申賚等語按原撥鳳縣順治樂從加林八廟永興五里安山武關二驛後改為十三地順治里曰南星分樂從里為二曰榆林鋪廟臺子分加林里為四曰江口江西營寺走坪蒿壩河分八廟里為

二日紅崖河周家壩分永興里為二日小川子西河仍其二
驛名曰安山武關

建城原始

舊無城池嘉慶五年同知龍萬育築土堡旋圯十一年經畧
德楞泰巡撫方維甸奏籌善後事宜各條內稱留壩廳城土
性夾沙秋間雨多淋塌該處現有歸併兵丁舊堡地勢逼窄
自應移建磚城以垂永久臣等現飭委員往勘候估冊到目
與應修之衙署倉庫監獄分別題咨辦理等語工部覆查本
年正月二十一日准軍機處交出西安將軍德楞泰等奏留

壩為棧道南山要路該廳係撫民同知衙署倉庫兵房監獄
均須有城捍衛該處山高水急屢被冲刷原有堡城盡係黑
沙堆築今擬請另擇形勝要地建築磚城較舊城收小不致
糜費等因具奏奉

旨允行旋經巡撫方維甸履勘舊城西北之大平山改建今
城同知任奎光承修

乾隆二十九年分寢城武關以北鳳縣南星以南設留壩
廳改漢中水利通判為留壩廳撫民通判留壩在棧道中
西有柴柏山高數十里青巒聳拔上插雲霄相傳為張子

房辟穀處廳治湫隘四面高山中間溪流湍激向無城垣
由鳳縣至褒城四百里空曠寫遠軍火糧餉時有疎虞近
修磚城一座頗為鞏固崇墉屹屹行棧道者心膽為之一

壯

三省邊防備覽

按廳境分於鳳縣見於乾隆府廳州縣志賦役全書漢
中府志皆云然惟三省邊防備覽有分褒城武關以北
之說此蓋沿褒中志而誤者褒中志叙褒城境內棧道
自雞頭關起至青水棧止乃是明代之制我

朝則武關以北至青水棧皆屬鳳縣地非褒城也

形勢

前瞰三秦後蔽四川黃橫以為蜀之股肱楊洪以為蜀之咽喉

喉

今古地理述

北阻柴關南臨武曲山蟠紫柏水繞烏龍控川陝之通衢為

梁洋之門戶

府志

留壩廳為褒鳳所分南之武關北之柴關亦為險要西江

口在廳東九十里北接盤屋之太白河牛尾河東連城固

之挽杆石西通鳳縣之進口關在老林之邊防維不可少

疎

三省邊防備覽

風俗

士尚知讀民亦質樸惟地隘少沃土鮮蓋藏山中氣候不齊
低山稍煖深林夏初積水甫消秋仲又霏霏雨雪婦女胼胝
商販罕至穀貴餓農穀賤傷農二者皆所不免兼之深山窮
谷墾荒闢土多異地之人睚眦啟衅訟獄滋多深林屋宇樹
木柵覆木板竹枝以蔽風雨市鎮貿易花布農器粟米酒脯
志畧

土著民人甚少大半川楚安徽客民均係當佃山地開墾為
生並無木廂紙鐵各廠民情尚屬安靜惟向皆務農鮮讀書

識字之人近來各村鎮設立義學八處延師課讀資以修金膏火或可人知向學文教漸興

秦疆治畧

水利

留壩本無水利近年以來川楚徙居之民就溪河兩岸地稍平衡者築堤障水開作水田又壘石溪河中導小渠以資灌漑西江口一帶資太白紫金諸河之利小留壩以下間引留壩水作渠各渠大者灌百餘畝小者數十畝十數畝不等町畦相連土人因地呼名至夏秋山漲田與渠嘗並冲淤故不得名水利也

府志

戶口

乾隆三十八年十千八百五十一戶五十七年增一千三百
二十一嘉慶十五年增二千五百六十四二十一年增二千
八百三十五道光元年減一千一百八十九十一年減四百
一十八二十一年減四千二百八十五計八千六百七十九
道光二十一年四萬一千二百三十九口視十一年減二萬
五千七百九十三視元年減一千二百二十五視嘉慶二十
一年減一千三百三十六視十五年增二萬一千四百一十
七視乾隆五十七年增一萬五千四百一十視三十八年增

一萬七千三百五十六計一萬五千四百一十

道光三年查明男女大小共九萬四千三百餘名口

秦疆
治畧

倉儲

常平倉廩八座日時和年豐物阜民康額貯京斗穀一萬石
社倉三處舊城原貯京斗穀七百七十九石三斗三升六合
六勺江口原貯京斗穀六百七十七石三斗八升六合一勺
南星原貯京斗穀四百四十二石嘉慶四年俱燬於賊軍搢
案內籌備穀價道光二十一年請領買補如前數借貯常平
倉

物產

五穀皆種以玉黍蕎麥為最稻菽次之蔬有芹芥蕨蒿蒿菘
菰韭洋芋蘿蔔王瓜倭瓜茭白蓮花白果有桃杏柿梨橘柑
棗栗核桃葡萄花有蘭蕙萱菊海棠玉蘭牡丹芍藥石榴蠟
梅金銀鳳仙蜀葵玉簪迎春月季玫瑰薔薇百合木宜松柏
柳椿桑柘楸槐楸桐榆漆紫柏青桐其他雜木昔所常有數
十來年客民伐之今已蕩然惟太白河菜子嶺光化山尚有
老林藥稱首烏黃精黨參山藥車前益母丹參厚朴五加皮
鹿壽草禽則雞鴨雉鸕燕鳩鷹鴿雀鴉錦雞布穀倉庚杜鵑

啄木獸則牛羊犬豕馬驢狼兔狐狸獾豕野猪野牛然在在
有之非特產也惟木之紫柏藥之五加皮鹿壽草素稱土產

書院義學

留河書院在舊城內同知唐錫鐸設立鄉民余北斗捐置舊
城地歲收京斗租三十三石七斗錢四千二百文俱作館師

脩脯

書院碑

歷年冲淤至道光二十年秋霖河水復冲僅獲租

六石二斗錢一千六百文因以蔭生李文舉蓮花石絕產歲
獲京斗租五石七斗五升二十一年鄉民趙梅等捐二臺子
地歲獲京斗租九石併入焉

義學七所同知呂朝選設立南關一所捐置荒草坪田地歲

收京斗租十五石

近減去五石

小石節溝地歲收京斗租十五石

近減去五石八斗

同知唐錫鐸設立江口一所李明遺產歲收京斗

租三十石糧戶徐花等捐修房屋八間松林驛一所李明遺

產歲收京斗租三十石

後被水冲減租四石

江口太白河人等捐置大

灘對河地歲收租四石太白河一所廩生周鑑等捐置青草

出地歲收京斗租三十石糧戶張茂松捐房屋二間連雲寺

一所鄉民楊喜春捐置大南溝地歲收京斗租八石七斗五

升宋永真捐地基十四間歲收錢十三千一百文棗木欄一

所糧戶胡理順捐錢一百二十千文歲收息錢二十四千文

廟臺子一所留候廟住持歲捐京斗租三十石

道光十五年歲歉裁之二

十二年復立無租歲捐錢十千文

以上租錢俱作各塾師脩脯

書院碑

傳舍

武關一所在驛東大門瀕河自道光十二年水勢南趨漸冲至二門以內今唯存毗連正房二棟名三楹廊房四間而已廟臺子一所自嘉慶中復修留候廟往來者恒欲憩息其間而傳舍遂廢道光十五年同知趙廷俊遂歸於留候廟二者皆不知建於何時南星一所巡檢官解也道光二年缺裁因